



**Rita Demont è leda che ses um Martin è puspè a chasa e sa revegn plaunsieu da las consequenzas dal virus FSME.**

RTR, G. HOSANG

## «Quei ei in schenghetg nundetg»

■ (rtr) *Martin Demont* ha pudì turnar suenter set emnas a chasa tar sia famiglia suenter ch'el è vegnì infectà cun il virus FSME entras ina morsa d'in raischen. Trais emnas en spital e quatter emnas en ina clinica da rehabilitaziun a Valens ha Demont duvrà per sa revegnir almain in pau da la morsa d'in raischen a Trun. Il raischen ha infectà el cun il virus FMSE (Frühsommer-Meningoenzephalitis).

Quest virus ha chaschunà ina inflamaziun da la paletscha dal tscharvè. Dapi bun in'emna è el puspè a chasa. I dovra dentant anc pazienza. Cun ina chomma e la pesentinclà haja el anc in pau miserias, declera Demont. Ils medis hajan dentant prognostitgà ch'i vegnia puspè bun. Per la famiglia da Demont èsi stà in grev temp. Cunzunt per sia dunna *Rita Demont*, ch'era per il pli en spital tar ses um, èsi ma-

gari strusch stà supportabel da guardar co ses um aveva mal, malgrà tut ils medicaments. Mo cun il sustegn da ses uffants, da parents ed enconuschents haja ella vegnì ora quai. La speranza haja la famiglia dentant mai dà si. Novitads positivas hai dà per l'emprima giada pir il Gavel di en spital. Quai saja stà in grond levgiament, di Rita Demont. Cura che ses um saja vegnì alert ed haja enconuschì la famiglia saja quai stà per ella il pli bel mument. «Quei ei in schenghetg nundetg», di Rita Demont. I avessia pudì vegnir tut auter, per exempel che ses um avessia stui star en sutga da rodas. Era Martin Demont ha inqual giada ponderà co quai fiss sch'el na vegniss betg pli dad ir. La terapia en la clinica da rehabilitaziun saja stada fitg dira, mo ussa saja el sin buna via. I dovria simplamain pazienza.